

**“ТАСДИКЛАЙМАН”**  
Аҳоли бандлигига кўмаклашиш  
маркази директори:  
*Ш.Ахмадқулов*  
Ш.Ахмадқулов  
«04» ноябрь 2022 йил

Аҳоли бандлигига кўмаклашиш марказининг йиғилиш

**БАЁНИ № 15**

“04” ноябрь 2022 йил

Хонобод шаҳар

|                |                                                                                      |
|----------------|--------------------------------------------------------------------------------------|
| Йиғилиш раиси: | Аҳоли бандлигига кўмаклашиш маркази<br>директори: Ш.Ахмадқулов                       |
| Қатнашдилар:   | Аҳоли бандлигига кўмаклашиш маркази<br>ходимлари                                     |
| Таклиф этилди: | Коррупцияга қарши курашиш «Комплаэнс-<br>назорат» шўъбаси мутахассиси :<br>С.Мирзаев |

**КУН ТАРТИБИ:**

- 1- Андижон вилояти Ички ишлар бошқармасининг худудларида жиноятчиликка курашиш ҳамда уларни олдини олиш бўйича олиб борилаётган ишлар тўғрисида.
- 2- Хонобод шаҳар Аҳоли бандлигига кўмаклашиш маркази ходимлари, маҳаллаларга тайёрланган ёрдамчи инспекторлар фаолиятларидаги камчиликлар, шахсий манфаатини ўйлаб коррупцияга йўл қўймаслик борасида амалга оширилиши лозим бўлган вазифалар тўғрисида.

---

Хонобод шаҳар Аҳоли бандлигига кўмаклашиш маркази директори Ш.Ахмадқулов сўзга чиқиб йиғилишни очиб берди.

Кун тартибидаги масала юзасидан кўриладиган масалалар юзасидан қуйидагиларни гапириб ўтди.

Хонобод шаҳар Аҳоли бандлигига кўмаклашиш маркази директори Ш.Ахмадқулов сўзга чиқиб ўз сўзида марказда тўғрисида ҳамда коррупцияни оқибатларини қуйидагича ёритиб берди. Жумладан,

Ҳар қандай жамиятнинг иқтисодий, ижтимоий, маънавий ҳаётига хавф соладиган, мамлакат тараққиётига тўсиқ бўладиган иллат коррупциядир деб тушунтириб ўтди.

Бундан ташқари ҳозирги кунда тизимда олиб борилаётган қатор ижобий ишлар билан бир қаторда камчиликлар борлиги, мурожаатчиларга кўрсатилаётган хизматлар талаб даражасида эмаслиги, айниқса ходимларни ўз вазифаларини тўлақонлик билмасдан турли конун билан таъқиқланган шахсий манфаатини

кўзловчи ҳамда hozирги кунда юртбошимиз томонидан долзарб бўлган коррупцияга йўл қўйиш ҳолатлари учраётганлигини қатор мисоллар билан изоҳлаб гапириб ўтди.

Шундан сўнг сўз Андижон вилояти Бандлик бош бошқармаси коррупцияга қарши курашиш «Комплаэнс-назорат» шўъбаси мутахассиси С.Мирзаевга берди.

С.Мирзаев коррупция ҳақида ва унинг оқибатларини қуйидагича ёритиб берди. Жумладан,

Мустақилликнинг дастлабки кунларидан бошлаб мамлакатимизда ҳуқуқий демократик давлат ва кучли фуқаролик жамияти барпо этишнинг умумий стратегиясини амалга ошириш доирасида коррупция жиноятига қарши курашиш юзасидан қатор қамровли чора-тадбирлар амалга оширилиб келинган.

Коррупцияга қарши қаратилган бир қатор қонун ҳужжатлари давомида Президентимиз Шавкат Мирзиёевнинг ташаббуси билан муҳим икки ҳужжат – “Коррупцияга қарши курашиш тўғрисида”ги қонун ва “Коррупцияга қарши курашиш тўғрисида”ги Ўзбекистон Республикаси қонунининг қоидаларини амалга ошириш чора-тадбирлари тўғрисида”ги қарори қабул қилинди.

Қонунда коррупцияга қарши курашишнинг асосий принциплари ҳамда бу борадаги давлат сиёсатининг муҳим йўналишлари мустаҳкамлаб қўйилган.

Қонун фуқаролар ҳуқуқ ва эркинликлари ҳимоя қилинишини таъминлашнинг қўшимча ҳуқуқий кафолатларини яратади, хусусий мулк ҳуқуқига ғайриқонуний тажовузларни, тадбиркорлик субъектларининг фаолиятига асосиз аралашувларни чеклашга кўмаклашади.

«Коррупцияга оид ҳуқуқбузарлик» деганда, «коррупция аломатларига эга бўлган, содир этилганлиги учун қонун ҳужжатларида жавобгарлик назарда тутилган қилмиш»ни тушуниш лозим.

«Манфаатлар тўқнашуви» «шахсий (бевосита ёки билвосита) манфаатдорлик шахсининг мансаб ёки хизмат мажбуриятларини лозим даражада бажаришига таъсир кўрсатаётган ёхуд таъсир кўрсатиши мумкин бўлган ҳамда шахсий манфаатдорлик билан фуқароларнинг, ташкилотларнинг, жамиятнинг ёки давлатнинг ҳуқуқлари ва қонуний манфаатлари ўртасида қарама-қаршилик юзага келаётган ёки юзага келиши мумкин бўлган вазият»дир.

Давлат коррупцияга қарши курашиш соҳасида аҳолининг ҳуқуқий онги ва ҳуқуқий маданиятини юксалтириши, жамиятда коррупцияга нисбатан муросасиз муносабатни шакллантириши; давлат ва жамият ҳаётининг барча соҳаларида коррупциянинг олдини олишга доир чора-тадбирларни амалга ошириши; коррупцияга оид ҳуқуқбузарликларни ўз вақтида аниқлаши, уларга чек қўйиши, уларнинг оқибатларини, уларга имкон берувчи сабаблар ва шарт-шароитларни бартараф этиши, коррупцияга оид ҳуқуқбузарликларни содир этганлик учун жавобгарликнинг муқаррарлиги принципини таъминлаши керак.

Коррупцияга қарши курашиш бўйича фаолиятни амалга оширувчи давлат органлари сифатида Бош прокуратура, Давлат хавфсизлик қўмитаси, Ички ишлар вазирлиги, Адлия вазирлиги, Бош прокуратура ҳузуридаги Солиқ, валютага оид жиноятларга ва жиноий даромадларни легаллаштиришга қарши курашиш департаменти белгиланган. Шу билан бирга, коррупцияга қарши курашиш бўйича фаолиятни қонун ҳужжатларига мувофиқ бошқа давлат органлари ҳам амалга оширади.

Шунингдек, қонунда коррупцияга қарши курашиш бўйича фаолиятни амалга оширувчи ва унда иштирок этувчи органлар ҳамда ташкилотларнинг фаолиятини мувофиқлаштириш учун Коррупцияга қарши курашиш бўйича республика

идоралараро комиссиясини ташкил этиш ҳам назарда тутилган. Идоралараро комиссияни шакллантириш ва унинг фаолияти тартиби Ўзбекистон Республикаси Президенти томонидан белгиланади.

Маълумки, жамиятда коррупцияга қарши кураш самарадорлигини таъминлашда кенг жамоатчилик иштироки таъминланмаса, ундан кутилган натижаларга эришиб бўлмайди. Мазкур қонуннинг эътиборли жиҳати шундаки, унда фуқаролар ўзини ўзи бошқариш органларининг, нодавлат нотижорат ташкилотларининг ва фуқароларнинг ҳамда оммавий ахборот воситаларининг коррупцияга қарши курашишда иштирок этиши ҳақидаги қоида мустаҳкамланган.

Улар ушбу қонунга мувофиқ, коррупцияга қарши курашиш соҳасидаги давлат дастурларини ва бошқа дастурларни ишлаб чиқиш ҳамда амалга оширишда, аҳолининг ҳуқуқий онги ва ҳуқуқий маданиятини юксалтиришда, жамиятда коррупцияга нисбатан муросасиз муносабатни шакллантиришда иштирок этиши; коррупцияга қарши курашиш тўғрисидаги қонун ҳужжатларининг ижро этилиши устидан жамоатчилик назоратини амалга оширади.

Қонунда таълим муассасаларида коррупцияга қарши курашиш соҳасидаги ҳуқуқий таълим ва тарбияни олиб боришга ҳам алоҳида урғу берилган. Келгусида таълим муассасаларида коррупцияга қарши курашиш соҳасидаги ҳуқуқий таълим ва тарбия белгиланган давлат таълим стандартларига мувофиқ амалга оширилади.

Давлат таълимни бошқариш органлари ва таълим муассасалари коррупцияга қарши курашиш соҳасидаги давлат сиёсатининг асосий йўналишларини инобатга олган ҳолда таълим муассасаларида ҳуқуқий таълим ва тарбияга, мутахассисларни касбий тайёрлашнинг сифатини оширишга, таълим дастурларини доимий равишда такомиллаштириб боришга қаратилган чора-тадбирларни ишлаб чиқади.

Қонунда давлат бошқаруви соҳасида коррупциянинг олдини олишга доир чора-тадбирлар қуйидагилардан иборат этиб белгиланган:

— давлат органлари фаолиятининг очиқлигини ва уларнинг ҳисобдорлигини таъминлаш, давлат бошқаруви тизимининг самарадорлигини ошириш, давлат органларининг, улар мансабдор шахсларининг масъулиятини кучайтириш;

— коррупцияга қарши курашиш соҳасида давлат органларининг фаолияти устидан парламент ва жамоатчилик назоратини амалга ошириш.

Ушбу қонунда ижтимоий-иқтисодий ҳаётнинг барча соҳаларида учраши мумкин бўлган коррупцияга оид жиноятларнинг олдини олиш ва уларга қарши курашиш самарадорлигини ошириш учун зарур барча тартиб-тамоийлар ҳамда уларнинг ҳуқуқий асослари мустаҳкамлаб қўйилмокда.

Бу эса мамлакатимизда ислохотларнинг янги даври бошлангани ва бунда коррупцияга қарши курашиш давлатнинг устувор вазифаси эканидан далолатдир.

Хулоса сифатида айтиш лозимки, коррупцияга сезиларли зарба бериш учун, энг аввало, жамиятдаги барча фуқаролар ўз ҳуқуқ ва бурчларини билишлари билан бир қаторда, унга шахсан риоя қилиш ва бошқалардан ҳам шуни талаб қилиш ҳамда мансабдор шахсларнинг фаолияти устидан жамоат назоратини кучайтириш лозимдир.

Шундан сўнг сўзга чиқувчилар йўқлиги сабабли кун тартибидаги масалаларни муҳокама қилиб йиғилиш

## ҚАРОР ҚИЛАДИ:

1. Андижон вилояти ички ишлар бошқармасининг худудларда жинойтчиликка қарши курашиш ҳамда уларни олдини олиш бўйича олиб борилаётган ишлар тўғрисидаги танқидий маълумоти ва андижон вилояти Бандлик бош бошқармаси коррупцияга қарши курашиш “Комплаенс назорати” тизими шўъбаси мутахассиси **С.Мирзаев**нинг топшириқлари ижро учун қабул қилинсин.
2. Марказ маъсул ходимларига:
3. -2022 йил 6 ой якуни бўйича хозирда олиб борилаётган ислохатлар бўйича, ишлаб чиқарилган давлат дастурлари бўйича олиб борилаётган ишларни ижросини сўзсиз таъминлаш иш сўраб мурожаат қилган фуқароларни ишга жойлаштириш, ишсизларни касбга ўқитиш, кам таъминланган оилалар фарзандларини миллий ва халқ хунармандчилигига “Устоз шогирд” анъанаси бўйича хунарга ўргатишни ташкил этиш, ишсизларни жамоат ишларига жалб этиш, хизмат вазифасига кирмайдиган ишларга аралашмаслик, таъмагирлик ва коррупцияга йўл қўймаслик ҳақида яна бир бор огоҳлантирилсин.
4. Марказ иш юритувчиси барча ходимларни кунлик ижро интизомини ҳамда ўз вазифаларига маъсулият билан ёндашишлигини мониторинг қилиш ва белгиланган тартибда кунлик қилинган ишларини ҳисоботини юритиш вазифаси топширилсин.

*Йигилиш баёни тузувчи:*



**Р.Исмонова**



SHOT ON REDMI 9  
AI QUAD CAMERA



